

կան խորհրդի անցեալ ապրիլ 5-ի № 106 գրութիւնը Սերեբրէնիկեան կառկադումարի տոկոսների մասին որոշեց, պատուիրել Սինոդիս դանձապահին ուղարկելու Վանայ առաջնորդարանի ներկայացուցիչ պ. Գէորգ Ճէտէզեանին, որը Տփլիսում է, 458 ռուբլի և այդ դումարի փոխադրութեան մասին տեղեկացնել Վանայ առաջնորդարանին: № 287:

Մայիսի 7/10-ին Սինոդը լսելով ազգիս Վեհափառ Հայրապետի ապրիլ 12-ի № 930 կոնդակը որոշեց, տալ քննիչ Տ. Մատթէոս վարդապետին նորին Սրբութեան հաստատած հրահանգը և առաջագրել նրան ճանապարհ ընկնել գէպի թեմերը իւր պաշտօնը ըստ հրահանգին կատարելու, սկսելով քննութիւնը վրաստանի թեմից: № 288:



Կ Ր Օ Ն Ա Կ Ա Ն — Բ Ա Ր Ո Յ Ա Կ Ա Ն .

ՀԱՄԱՐԱՐՁՄԱՆ ՊԱՏՄՈՒԹԻՒՆԸ.

«Այս Յիսուս, որ համբարձաւ երկինք, կգայ այնպէս ինչպէս որ երկինք ըստ ճրանալիս տեսաք»: Գործք Ա. 1. 11.

Պօղոսը չէ խօսում որ և է համբարձման մասին, եթէ նա Յարուցեալի երևալն է թւում: Նա նկարագրած է Քրիստոսի պատկերը, որ ինքը տեսաւ Գամասկոսի առաջ, նոյն կարգաւ, ինչպէս որ երեսց Պետրոսին և տասնմէկին: Նա այն կարծիքին չէ, թէ բաժանման ժամին ինքն աւելի քիչ է տեսել քան ընտրեալներից որ և է մէկը: Ամենայն հաւանականութեամբ նա հիմնուած է այն բանի վերայ, որ ինքն էլ միւսների նման շնորհի արժանացաւ: Հէնց այս իրողութիւնից, որ Պօղոսը իւրը և առաջին յայտ-

նութիւնները համադասում է, պէտք է սկսել, եթէ մարդ համբարձման պատմութիւնը ճշմարտապէս հասկանալ է կամենում:

Համբարձումը չէ նշանակում, որ երկինքն այնտեղ է և որ Յիսուս փակուած դռների յետևը ոսկեայ դահլիճի մէջ ապրում է, որտեղ Նրան ոչ մարդկային մտածմունքը և ոչ մարդկային աղօթքը հասնել կարող են: Նա հրաժեշտ չէ տուել, ընդմիջտ հեռու լինելու համար: Համբարձումից յետոյ էլ Նրա ճանապարհը դէպի իւր հաւատացեալները բաց է, հրաժեշտից յետոյ էլ նա կտեսնուի, կլսուի, կհաւատան և կսիրեն: Համբարձումից յետոյ էլ Նրա անձնաւորութիւնը կգրաւէ մի Պօղոսի:

Դրանով մեզ ապացուցւում է, որ համբարձման շօշափելի նախադէպերին շատ ծանրակշիռ նշանակութիւն չպիտի տանք: Այստեղ խօսքը մի որ և է տեղի տեղափոխութեան համար չէ, որը Փրկչին երկրից բաժանում է: Եւ ի՞նչպիսի եղանակով պիտի լինէր մի այդպիսի տեղի տեղափոխութիւնը: Մենք գիտենք, որ երկինքը, որ ամպերի յետևն է, հրապարակ չէ: Մարդ կարող է միլիօնաւոր վերստեր թռչել և չհասնել որ և է դրախտի՝ հրեշտակներով, նահապետներով և փրկուածներով լի: Տեսանելի աշխարհի մէջ այդպիսի տեղի համար ոչ ոք չի խօսում: Երկրային մարմնի համար մի երկնային մարմնի մասին այսօր ոչ ոք չի կարող խօսել: Այսպիսով համբարձումը Յիսուսի վերջնական հրաժեշտը չէր և ոչ վերջնական տեղափոխութիւնը: Ի՞նչ է իսկապէս, սակայն, համբարձումը:

Վերջին անգամն է, որ Քրիստոս շրջապատուած է աշակերտների ստուար խմբով և նրանց աչքերն ու հոգին Փրկչի էութեամբը լցւում են: Նա յայտնւում է նրանց, ինչպէս որ Պօղոսին էր յայտնուել, սակայն նկատելի է այն, որ աշակերտների մի մեծ խումբ է ժողովուել: Նրանց հետ խօսում է Փրկիչը կրկին անգամ անցածի և ապագայի մասին: Արդեօք նա այդ ժամանակ Իօրայէլի թագաւորութիւնը կվերականգնի: Արդեօք նա

վերջապէս ցանկանում է այդ խաչից, մահից և գերեզմանից յետոյ։ Արդեօք նա այժմ այն մեծ, փայլուն եւրազը, որ Իսրայէլի մխիթարութիւնն էր իւր անարգութեան մէջ, իրականացնել է կամենում։ Կամենում է նա այժմ իբրեւ Դաւթի որդի, որին Հերովդէսը և Պիղատոսը իբրեւ յարգ դէն ձգեցին, կամենում է նա տաճարը մաքրել, Սիօնի աշտարակը միջակէտ դարձնել և իւր ժողովրդին հեթանոսների միջից բարձրացնել։ Կամենում է նա այժմ զօրութեամբ, վեհապանծ և փառքով գալ իբրեւ խոստացեալ Փրկիչ, որին ծանրաբեռնեալ և տաժանեալ ժողովուրդները սպասում են, կամենում է երկրիս վերայ իշխել։ Ո՛չ, նա այդ չէ կամենում։ Նրա թագաւորութիւնը այս աշխարհից չէ։ Նա իսրայէլացիների երկրային երազները չի իրականացնի։ Ուստի և իւրայինները մարդարէների յոյսերը պիտի մերժեն։ Այն գաղափարը, որին սպասում են, այնտեղ երկնքում պիտի բարձրանայ։ Նախ վերեն է կատարում, վերեն է ներդաշնակութիւնը և յաղթութիւնը, իսկ այնտեղ աշխարհի և մեղքի հետ պատերազմ է, մի կռիւ մինչև մահ, մի հառաչանք յուսոյ մէջ։ Ոսկեայ ուրախութիւնը երկինք վերացաւ։ Այնուհետև չեն երգիլ այլ ևս հին Երուսաղէմին և նրա նոր կուսութիւնը, այլ նոր Երուսաղէմին վերևում, սակուց չինած քաղաքին, որին ոչ ոք չի տեսնում, քանի որ մահկանացու է։ Այն հրաժեշտը հինից դէպի նոր յոյսը Քրիստոսի աշակերտները պէտք է տեսնեն։ Դուք պէտք է երկրի վրայ ոչ մի դրախտ չսպասէք։ Դուք պէտք է ձեր աչքերը վերև՝ այն կողմը բարձրացնէք։

Ինչպէս որ դուք նրան տեսաք, նոյնպէս էլ նա պէտք է դայ։ Ո՛չ այլ կերպ, ոչ երկրային կերպով։ Իբրեւ հոգեւոր, ներքին զօրաւոր հոգւոյ փրկիչ կգայ նա և ձեզ կգործնէ մինչև վերջ։ Նա ապրում է, և հոգեւոր կեանքի կեդրոնն է։ Երկնքում, Աստուծոյ յարաբերութեամբ մօտ է նա իւրայիններին։ Նա ասում է նրանց՝ մի վախենաք, տեսէք, ես ձեզ մօտ եմ ամենայն օր մինչև աշխարհի վերջը։

Ֆ. Նաումանից թարգմ.

Արաւի վարդապետ.